

蔣氏三姑大路下蔣文紹女文德親侄也見二姊大姑二姑不嫁亦立志終不適人至老而卒後蔣璧明贊曰不容冰語說良人固守香閨一點貞纖組紉惟自處素娥青女其精神十世孫舉人蔣宗芝贊曰旗山之陽有奇女焉如珠隱淵如玉藏璞如芝蘭之幽秀如松柏之勁骨繡閣香閨終身獨賢矣哉克家爲令子撫弟卽賢兄亘千秋而萬世孰與我姑而爭榮

蔣氏四姑大路下蔣振譽女卽前蔣景潮孫也振譽

生一子一女父見子寡弱卽命女勿嫁女遂守全終身克成父志蔣璧明贊曰謹遵父命撫弟持家貞心一點與月光華舉人蔣鵬贊曰粵我四姑聞風興起不願有家惟知青史